



BOSNIA AND HERZEGOVINA
SERVICES for COMMON AFFAIRS INSTITUTIONS
of BOSNIA and HERZEGOVINA

Broj: 01-16-11-36-24/17

Datum: 19.04.2017. godine

Na osnovu člana 64. stav (1) tačka (b) i člana 70. st. (1), (3) i (6) Zakona o javnim nabavkama („Službeni glasnik BiH“, broj 39/14), člana 10. st (5) i (7) Pravilnika o unutarnoj organizaciji Službe za zajedničke poslove Institucija BiH broj: 01-02-1-2093-20/13 od 28.04.2014. godine, Pravilnika o izmjenama i dopuni Pravilnika o unutarnoj organizaciji SZPP broj: 01-02-1-2093-34/13 od 24.09.2014. godine, Pravilnika o izmjenama Pravilnika o unutarnoj organizaciji Službe za zajedničke poslove institucija BiH broj: 01-02-1-2093-59/13 od 05.08.2015. godine i Pravilnika o izmjenama i dopunama Pravilnika o unutarnoj organizaciji Službe za zajedničke poslove institucija BiH broj: 01-02-1-2093-75/13 od 17.03.2016. godine, na Preporuku Komisije za javne nabavke u postupku javne nabavke radove na sanaciji krova na Zgradi Predsjedništva BiH direktor Službe uz saglasnost oba zamjenika direktora d o n o s i :

ODLUKU

o izboru najpovoljnijeg ponuđača za javnu nabavku radova na sanaciji krova na Zgradi Predsjedništva BiH

Član 1.

Prihvata se Preporuka Komisije za javne nabavke i Ugovor za javnu nabavku radova na sanaciji krova na Zgradi Predsjedništva BiH dodjeljuje se izabranom ponuđaču Konzorcij NEIMARI doo Sarajevo i EL-TE 3 doo Sarajevo, za ponuđenu cijenu od 1.226.733,61 KM bez PDV-a i sa popustom od 15%, odnosno 1.435.278,32 KM sa PDV-om i popustom od 15%.

Član 2.

- (1) Prijedlog Ugovora o nabavci dostavit će se na potpis izabranom ponuđaču po isteku roka od 15 (petnaest) dana, računajući od dana kada su svi ponuđači obaviješteni o izboru najpovoljnije ponude.
- (2) Izabrani ponuđač je dužan dostaviti dokaze o kvalificiranosti u roku do 7 (sedam) dana nakon što svi ponuđači budu obaviješteni od strane ugovornog organa o rezultatima postupka nabavke a prema odredbama tenderske dokumentacije.
- (3) U slučaju da izabrani ponuđač propusti dostaviti dokaze o kvalificiranosti u navedenom roku ili dostavi neprihvatljive dokaze, odluka o izboru najpovoljnijeg ponuđača će se poništiti.

Član 3.

Za izvršenje ove odluke zadužuje se i ovlašćuje Odsjek za finansijsko-materijalne poslove, Odsjek za arhitektonsko-građevinske poslove i Odsjek za elektroniku Službe za zajedničke poslove institucija Bosne i Hercegovine.

Član 4.

Ova odluka objavit će se na web-stranici Službe, www.szzp.gov.ba, istovremeno s upućivanjem iste ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 01-16-11- 36-2/17 od 23.02.2017. godine. Javna nabavka je provedena putem otvorenog postupka. Procijenjena vrijednost javne nabavke iznosi 1.500.000,00 KM bez PDV-a. Obavještenje o nabavci broj 618-1-3-11-3-14/17 od 23.02.2017. godine objavljeno je na Portalu javnih nabavki.

Komisija za javne nabavke (u daljem tekstu: Komisija) imenovana je Rješenjem broj 01-16-11-353/16 od dana 28.01.2016. godine i Rješenjem o izmjeni Rješenja o imenovanju Komisije broj 01-16-11-353-3/16 od 28.09.2016. godine

Komisija je dana 19.04.2017. godine, dostavila Zapisnik o pregledu i ocjeni ponuda i Preporuku o izboru najpovoljnijeg ponuđača u postupku javne nabavke.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku po izvještaju o radu je utvrđeno da je Komisija za javne nabavke blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda :2 (dvije);
- da su blagovremeno zaprimljene 2 (dvije) ponude ;
- da nema neblagovremeno zaprimljenih ponuda ;

Komisija je utvrdila da je ponuđač NEIMARI doo Sarajevo u svojoj ponudi dostavio sporazum o Konzorciju , zaključen dana 20.03.2017. godine između NEIMARI DOO Sarajevo i EL-TE 3 doo Sarajevo, kojim su se kao ugovorne strane sporazumjele da budu partneri radi zajedničkog davanja ponude za sanaciju krova na zgradi Predsjedništva BiH, broj nabavke 01-16-11-36/17 .

Aktom broj 01-16-11- 36-14/17 Komisija za javne nabavke je uputila ovlaštenom pokretaču nabavke Odsjeka za arhitektonsko-građevinske poslove zahtjev za tehničku ocjenu ponuda u postupku javne nabavke s napomenom da izvještaj o stručnoj ocjeni ponude dostavi Komisiji za javne nabavke putem protokola Službe.

Aktom broj 01-16-11- 36-15/17 od dana 31.03.2017. godine , ovlašteni pokretač nabavke ispred Odsjeka za arhitektonsko-građevinske poslove je dostavio dopis Komisiji za javne nabavke, a u smislu arhitektonsko-građevinskih radova u kojem obavještava sljedeće:

Na osnovu Vašeg dopisa broj 01-16-11-36-14/16 od 28.03.2017. godine obavještavam Vas da je nakon pregleda dostavljenih od strane ponuđača SELA DOO Sarajevo i NEIMARI DOO Sarajevo, ustanovljeno je da su obje ponude tehnički zadovoljavajuće i u skladu sa

tehničkom specifikacijom i posebnim uslovima u parametrima za pokretanje nabavke radova sanacije krova Zgrade Predsjedništva BiH.

Aktom broj 01-16-11-36-16/17 od 31.03.2017. godine Komisija je uputila ovlaštenom pokretaču nabavke Odsjeka za mašinska postrojenja i instalacije zahtjev za tehničku ocjenu ponuda u smislu mašinskih i elektroinstalacija u postupku javne nabavke s napomenom da izvještaj o stručnoj ocjeni ponude dostavi Komisiji za javne nabavke putem protokola Službe.

Aktom broj 01-16-11-36-20/17 od dana 05.04.2017.godine, ovlašteni pokretač nabavke ispred Odsjeka za mašinska postrojenja i instalacije je dostavio dopis Komisiji za javne nabavke u kojem obavještava sljedeće:

Ponudač Sela doo Sarajevo obrascem za cijenu ponude je nudio ekvivalentne artikule u odnosu na specificiranu tehničku specifikaciju mašinskih i elektroradova, a u sklopu ponude nisu priloženi dokazi o ekvivalentnosti nudađenih proizvoda u skladu sa članom 12.3.f. tehnička i profesionalna sposobnost predmetne tenderske dokumentacije.

Ponudač Neimari doo Sarajevo je obrascem za cijenu ponude nudio artikule i opremu tehničkih karakteristika kao što je specificirano obrascem za cijenu ponude predmetne tenderske dokumentacije.

U napomeni je navedeno da evaluaciju ostalih elemenata pristiglih ponuda za koje nije potrebno posebno tehničko znanje izvrši komisija za javne nabavke u skladu sa Zakonom o javnim nabavkama i Pravilnikom o uspostavljanju i radu Komisije.

Komisija je potom izvršila provjeru kvalifikacija ponuđača prema minimalnim uslovima za kvalifikaciju ponuđača i utvrdila sljedeće:

Ponuda SELA doo je nekvalifikovana i neprihvatljiva iz razloga što je isti propustio sljedeće dokaze:

1.Dokaz iz tačke 16.“Obrazac za cijenu ponude”, na način kako je zahtjevano tenderskom dokumentacijom i to :U Obrascu za cijenu ponude Tačka A)I. RADOVI DEMONTAŽE I RUŠENJA iz tenderske dokumentacije je propisano:

“Obračun izvršenih radova izvršiće se na osnovu važećih normi po jedinicama mjera datim uz opise radova.Cijenom je obuhvaćen utovar i transport na daljinu do 15 km.Demontirani bakarni lim nakon demontaže zapisnički predati Ugovaraču...”

Ponudač SELA doo je u Obrascu za cijenu ponude, tačka I.22 „Demontaža postojećih opšava oko prozorskih otvora za izlaz na krov od bakarnih limova d=0,55 mm .Skinute opšave utovariti u kamion i odvesti na gradsku deponiju ili otpad udaljenu do 15 km, obračun po m²“, naveo jediničnu cijenu u iznosu od 0,50 KM, dok je analizi jediničnih cijena traženoj u tački 16.4. tenderske dokumentacije, koja čini sastavni dio ponude, pod tačkom I.22 dokazao jediničnu cijenu od 0,90 KM/m², uz napomenu da „prodati bakar pokriva razliku u cijeni“, što je u suprotnosti sa opštim i zajedničkim uslovima iz obrasca za cijenu ponude, prema čemu se ponuda smatra neprihvatljivom i nekvalifikovanom u navedenom pogledu.

2.Dostavljanje dokaza iz tačke 12.3.f) tehnička i profesionalna sposobnost tenderske dokumentacije odnosno ...”zahtjevani kvalitet artikala u tenderskoj dokumentaciji, a teret dokazivanja “ekvivalenta” je u potpunosti na dobavljaču koji je obavezan dokazati da “ekvivalent” u potpunosti odgovara zahtjevima marke i navedenog kvaliteta. Ponuđači koji nude ekvivalent traženog artikla kao dokaz ekvivalentnosti dužni su u ponudi dostaviti uvjerenje koje izdaje nadležna institucija ili agencija za kontrolu kvaliteta, a kojim se potvrđuje da na odgovarajući način tačno označena roba odgovara

određenim specifikacijama ili normama odnosno obavezni su dostaviti certifikat, tehnički list, kataloški list... o usklađenosti kvaliteta artikla od proizvođača ili institucije ovlaštene za usaglašavanje kvaliteta predmetnih artikala u Bosni i Hercegovini ili druge međunarodno priznate institucije za usaglašavanje kvaliteta proizvoda. Traženi dokazi moraju biti prevedeni na jedan od tri službena jezika koja su u primjeni na teritoriji Bosne i Hercegovine. Na certifikatu, tehničkom listu, kataloškom listu... o usklađenosti kvaliteta artikla ponuđač obavezno treba numerisati redni broj pozicije artikla iz tenderske dokumentacije na koji se isti odnosi”.

a) 3.Dokaz iz tačke 12.3.e) „Ovjeren i potpisan spisak opreme za izvođenje radova koja će biti na raspolaganju ponuđaču u toku izvođenja radova, i to:

- 1) minimalno 1 (jedan) kamion nosivosti minimalno 5t,
- 2) minimalno 1 (jedan) kompresor,
- 3) minimalno 1 (jedna) konzolna dizalica ili kran minimalne visine 30 m,
- 4) minimalno 1 (jedan) agregat minimalne snage 3kW,
- 5) minimalno 1.000 m² (hiljadumetarakvadratnih) skele.

što se dokazuje sljedećim dokumentima:

- Ugovorom o zakupu, leasingu, ili
- listom opreme iz evidencije stalnih sredstava odnosno kopijom saobraćajne dozvole za vozila, i
- izjavom ponuđača da će istom u toku ugovornog perioda na raspolaganju biti navedena oprema.

Ovjerene kopije, ne starije od 3 mjeseca u momentu dostavljanja ponuda.

Napomena: Ponuđač SELA doo Sarajevo je dostavio dokument pod r.b.81, na svom memorandumu, naslovljen kao “lista stalnih sredstava-tehnička opremljenost”, ovjeren i potpisan od strane ponuđača SELA, a koja se ne odnosi na zahtjevani dokument iz tenderske dokumentacije “ liste opreme iz evidencije stalnih sredstava”.

Ponuda Konzorcij NEIMARI doo Sarajevo i EL-TE 3 je kvalifikovana i prihvatljiva prema postavljenim uslovima iz tenderske dokumentacije.

Zapisnikom o pregledu i ocjeni ponuda u predmetu javne nabavke radova na sanaciji krova na Zgradi Predsjedništva BiH i preporuke o izboru najpovoljnijeg ponuđača Komisija za javne nabavke je predložila izbor najpovoljnijeg ponuđača , koji je prihvaćen:

PODACI O NAJPOVOLJNIJEM PONUĐAČU	
Naziv ponuđača	Konzorcij NEIMARI doo Sarajevo i EL-TE 3 DOO Sarajevo
Adresa	Pijačna 70 Ilidža Goraždanska 3 Sarajevo
Ukupna cijena ponude bez PDV-a i sa popustom 15%	1.226.733,61
Ukupna cijena ponude sa PDV-om i popustom 15 %	1.435.278,32 KM

U postupku ocjene provedenog postupka, Direktor Službe za zajedničke poslove institucija Bosne i Hercegovine uz saglasnost oba zamjenika direktora nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Izabrani ponuđač je izabran primjenjujući kriterij „najniže cijene“.

Iz navedenih razloga, primjenom člana 64. stava (1) tačka (b) Zakona o javnim nabavkama, te člana 10. st (5) i (7) Pravilnika o unutarnjoj organizaciji Službe za zajedničke poslove Institucija BiH broj: 01-02-1-2093-20/13 od 28.04.2014. godine, Pravilnika o izmjenama i dopuni Pravilnika o unutarnjoj organizaciji SZZP broj: 01-02-1-2093-34/13 od 24.09.2014. godine, Pravilnika o izmjenama Pravilnika o unutarnjoj organizaciji Službe za zajedničke poslove institucija BiH broj: 01-02-1-2093-59/13 od 05.08.2015. godine i Pravilnika o izmjenama i dopunama Pravilnika o unutarnjoj organizaciji Službe za zajedničke poslove institucija BiH broj: 01-02-1-2093-75/13 od 17.03.2016. godine, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove odluke može se izjaviti žalba Ugovornom organu, najkasnije u roku od 10 (deset)dana od dana prijema ove odluke.

Dostaviti:

1. Odsjeku za finansijsko-materijalne poslove
2. Odsjeku za arhitektonsko-građevinske poslove
3. Odsjeku za elektroniku
4. Konzorcij NEIMARI doo Ilidža i EL-TE 3 doo Sarajevo
5. SELA doo Sarajevo
6. a/a

DIREKTOR

Siniša Perković

